



Ассаламу гәләйкүм, дубурланти!

Шида Гәмру

Дахадаевла районна жамигъята - политикала газета

«Сельская жизнь»

№ 27 (8308)

2018-ибиль дус.

Июль 6.

Жумягъ.

Багъя 8 къуруш 03 кепек.

Районна администрациялизиб Сархибешуни вайти ахъен



Июлья бехъихудличиб администрациялизиб районна муниципалитетта бекъ Жаруллагъ Гәмаровли районна активичил барх совещание дураберклиб. Ил балбуцличиб иш дусла цаибил байхъайзир шимала администрациябани налогуни лугнила план бирцахънила масъала хълербарни. Ва илкъядали лебдешла отделла, муниципальный заказла ва юртани ташдалтнила бузериличила багъахънилицира цалабикити лехъизур. Цаибил масъалала чевкад гәйдүхъун районна бекъла цаибил заместитель Рамазан Нухъкъадиев. Илини бурни хъясбли, районна бюджетлизи налогунала ва цархъил тяхъярли дақиби

процент; шида хозяйства цаҳнабси налог - 70 процент; адамтала масмулклишибаси налог - 62 процент; ванзала налог -- 53 процент ва цархъитира. Дибгалик, Дибгаши, Кудагу, Сутбул, Хурши, Меусиша и Морское шимани мас-



арца къадар 46 204 869 къуршичи халбирули саби. Лебилра планна 53 процентличи адикили сари илди. Илдала лугилизир ГСМ-ла акцизунас дақибли сари 48 процент; НДФЛ - 52 процент; вмененный доходла цаҳнабси налог -- 15

мулклис 100 процентла, Цизгъари, Трисанчи, Кудагу, Хурши, Чишили ва Къялки шимала адамтани ванзалис 100 процентла налогуни дедили сари», -- буриб Р. Нуҳъкъадиевли.

Нуҳъкъадиевла докладлизирадти баянти пикрилиси касили, Жаруллагъ Гәмаровли чедиб гъанбушиси масъала хъясбли, бузери жигарчебараҳъес хъарбариб Урглари, Хъярбук, Бускри, Кубачи и Дуглаҳъар шимала бургачи.

Гур совещаниеличив гъайдүхъун лебдешла, муниципальный заказла ва юртани ташдалтнила отделла начальник Гәбдуллагъ Зайпуллаев.


Зайпуллаевли сунела докладлизир чедетаахъили гъаладихъиб иш дусла цаибил байхъайзив сунени бекъдеш дируси отделли бариси хъянчиличила баянти.

Дурхъинани бамсриихъу

Дахадаевла районна администрациялизиб дурхъини дуцрумла манзиллизиб бамсриихънила масъала хълербарни. Ил масъайчила июлья хъяличиб дураберклибси заседаниеличир сунесра районна бекъ Жаруллагъ Гәмаровли бекъдеш дируси, муниципалитетла структурабала подразделениебала руководителтани бутакъяндеш дарип.

Балбуцличир дурхъини дуцрумлизиб арадеш ункъбирахънила мурадличил бамсриихъни гъяхъил бетерхъес хъяжатли биъниличила гъайдатар.

Дурхъинала арадеш ункъбирахънила балбуцла башриличила бурули гъайдүхъун районна дурхъинала творчество-



ла юртла директор Светлана Мирзакеева.

«Гъаларти дусмазибан иш дуслигибра лагерьтази ва цархъилти бамсриихъути меранази районна багъудила учреждениебала 1500 дурхъя дуцрумла манзиллизиб бархъес пикрибарилра.

Дуцрумлизиб дурхъини имцаливан спорта хъязанази ихъур. Илдала луги 600-личибра имцали бирав.

«Солнечный берег», «Надежда», «Волна», «Костер», «Планета», «Орленок» ибти лагерьтази 800 дурхъя бурхути саби. Ишбархъи бамсриихъутала луги 263-личи абикили саби», -- буриб Мирзаевани.

(Хъарахъуд -- 4-ибиль бяхълизиб).

Жагъилти гәббурцуси балбуз

къядали илини аргъахъиб формула бутакъянчибас сегъунти имканти дирутила.

Балбузла къишибил бутализир формула бутакъянчибас командаби цаладирхънила, интерактивный хъязани дурадуркънила, коммуникативный тяхъярли узес бурсивирнила тренингуни дурадерклиб.

Багъудлумала шайчиби бутла ДР-ла жагъилтала Министерствола хъянчизар, «Машук» форумличиб Дагъиста делегацияла руководитель Ильгар Лелаев-

ли бехъихъиб.

Теориялашаси бутла таманбубили гъергъи, командабала гъала ташбатурси масъала сабри социальный проект хъядурбари, сабира камти харжаначил ва белгиси манзиллизиб арзес имкантачилса.

Дахадаевла районна командали журилиси кыммат кабатахъес гъалабихъиб мискинти хъалибаргунас ва чулахъти дурхъинаш шимала адамтаси барх бариси кумекла акция.

«Дахадаевла район» МО-ла жагъилтала политикала бекъ специалист

Мадина Махъммадовани ил проекта кымматбешличила ва ил гъурра гъалабяхъл башахъес хъяжатли биъниличила буриб:

«Уркы-уркылабадси» («Всем сердцем») уличиси проектилизиб командали къайгъибариб беглара маягъичебисигъуна балбуз мискинти хъалибаргунас кумекбарни биъни чебаахъес. Бекълибиусигъуна хъянчи сабри шимала бахъал адамти цалабиркути мераначи адамтас хъяжатти секлал цаладяхъярхъес хасдарибти ваяхъл кадихъни. Ила гъарил адамли палтурти ва цархъилти гъягъинахълуми кадихъес виар. Илгъуна баркъуди нушани пикрила дайлаб бирахъеlexe ва гъурра гъалабяхъл аркексе».



Ил балбуз хасбариби саби гъялупали дурадуркъти кымматчери баркъудлуми гъаладахъл дукес, муниципалитетуназиб волонтертала (кумекибала) бузери жигарчебарес, пагъумчебти ва саберхути жагъилти гәббурцес багъандан.

Шадлихъла аги-хъяйзив абхъиб форум. Республикала жагъилтала централа директорла заместитель Рашид Гәбдуллаевли цалабикибас баркалла багъахъур ва жагъилтала политикала шайчири организациябала ункъли бажардигиркути руководительтас ва актисистус грамотаби дедиб. «Доброволец России» конкурслы баянтил цалабикити тянишбариб. Заявкаби лугнила жураличил илди тянишбариб ва социальный проект бархъи бирцахънилицила буриб. Ил-

ли ва социальный тяхъярли проектуни дурадуркънила тренер-эксперт Мирза Аббасовли социальный тяхъярли проектуни дурадуркънила тренингличибад-

балбузла итогуни хъясбли, формула бутакъянчибас сертификатуни ва беглара жигарчебти бутакъянчибас хъумхъертести савгъатунира дедиб.

Ахъерти дахадаевланти!

2018 - ибиль байхъудуслис
районна

«Шида Гәмру»
газеталис къулбасбирни
бетурхули саби.

Къулбасбирнила багъя:

6 базлис -- 208 къуруш 86 кепек.

3 базлис -- 104 къуруш 43 кепек.

1 базлис -- 34 къуруш 81 кепек.

«Шида Гәмру» редакция.

Редакциялизи кагъурти

Сагадешунаглив умцПуси

Гъядусаламов Хъясан Шарапутдинович келра байхъала дус сай Хуршила урга даражала школала директорли узуси. Ил къантиси заманализир илини школализир, суне-



чуб гъалаб дахъал дусмазиб бузути директортаничир гъялъад дарсдешуни, къулайдешуни дарес, илди дентехъас бажардикиб. Директор виэс ибси пикри, хъул, къас агарси биалра, белчудила дусла къиибил байхъайзив сай гъалахъили учительтания цауркъли гъевуцибхели, разинес чебуркъуб. Гъай камдарили баркъуди гъаббашахъули бузериллии ахъиб. Школала буххнала, дурала чебаъла сурат жывли дарсдиуб. Цаибил яргалис, хъябал классла дурдили

тъярхъубардиубти чябурти сагадари. Школала ца корпусла жаняхъла куцагардиубти бяхъяни ва панельти жагаси даражаличи душес багъандан дахъал хъянчи дарип. Клиибил корпусла мурталра хъябъцкъули балагарбиркуси жаняхъла чябар кафель кадяхъили жагали балбушиб. Белчудила гъарил сагаси дусличи лерилра клас-суни-кабинетуни цубдарили, ширли дакили, чебаъла ваяхъличил гъердуцили, класла уголокуни далкъаахъурли, къар-вавначил жагадарили, даршили хъядури дира. Лерилра хъянчи учительтала кумекличил, илдала харжаначил, школализир лерти имкантира пайдаладарили, имцлатира-сера хъянчи сай директорли дирули (сайра гъарил хъянчила гъялъи устара сай) дарити сари. Бузерила, физкультура дурсала замана пайдалабирили школала гъалабси площадка, алавси хъяри, алавчарти луцир даддарили, сагали делши къулайдариб. Машината хъулрумазирад устадешличил жагали дарити вазабазир вавни дашихъули школала азбар жагабариб. Школализи гъаввакъиби гъялъяли илар дубти дарсдешуни чехъедаэс хъейрап. Ученikuналара белчудиличи пикри барсбиуб, бажарди-иштахъи имцладиуб.

Иш макъалализиб наб бурес дигулра Уркухъла поликлиникализир рузуси камти гъярула хъунул адам Къурбанова Алеся Къурбановна. Ил аклубси сари 1990-ибил дуслизир Уркухъла шилизи, хъубзарла хъалибарглизир. Алеся ручули калун сагаси Уркухъла шилизи. Школа та-манбарили гъергъи, илини къасбариб белчуди гъурра даимбарес. А. Къурбанова Астраханский медицинский университетлизи карерхур. Ил та-манбарили Астрахань шагъарлизибси поликлиникализир рузули калун.

Хера, Уркухъла поликлиникализи хъулбала тухтур агни багъандан ил или шуррухъун, сенахленну сари аклубси шилизи раклес ва рузес дигулри. Гъанна дусра-сера илар рузули сари.

2017-ибил дусла апрельла беххихъудичир Алеся офтальмологи рузес реххрихъиб. Илала бузери бегл гъалабси бархъиличид бакъиби ахтардии, сабира Дагъистан Республика министр Танка Ибрагимов ялчи архъяличил Уркухъла шилизи вакъибхели дураберкъиби, ахъли къиматлабариб.

Нура илини дугъаризурда дилара хъулбала шала нуксанни сабхъели. Алесяни аппаратличил хълеррикли хъяжатси тахъяри дармунти делкун ва илди дарахъес маслигъятбариб.

Поликлиникала заведующийли, су-



чебетаахъили бирюли биъни багъеслири, бяхълизы чекахъиби суратуни хъясиблира.

Нешла мез

**Хъуша дила дарганти
Нешла мез хъумуртани,
Гъанбиркахъена хъушаб
Хъуша айкъурти беглти.**

Ге, ну дарган сайра, Дугъахъарла шилизив аклубси, сирхъянтала лугъатли гъайкъуси ва лерилра даргала мез далуси ва гъайкъуси. Сергохъалала педучилищелизив учухъели лерилра даргала мез дяркъурра, шелра даргала районала шимазибадти юлдашуначил гъайкъули бурсикайбисири итхели. Хъераягу ца, къацлис дарган-

тала лугъатлизир чум у лерал: къац, сирхъяла — тъулут, муирала — цулхъла, хайдакъла — чукъя. Нуни Кубачила шанти гъайбикъхели иргъис, амма илдала мез хъедалас.

Дила иш макъала белкъес гъалаб пикри лебсиригу, сабур хъебаили бархъира. Советунала улка лебхъели, гъаннагъуна вегъличи вегъла хъурматагардеш бирхъебири. Школабазир программаби чула лугъат хъясибли «Дагучпедгизла» дирутири, гъанна ил Москва «Дрофа» программа дебали гъялъи саби

Олимпиадабачир, абзаначир сархути гъаларти мерани, шабагъатуни дахъдай. Классла дурар дурадуркъути баркъудуми, хъязани-абзани, илдала къадар-даражада ункъдиуб.

2017-ибил белчудила дуслизиб Гъядулмажидова Сапиятли ва Дабаева Жумягъли «За особые успехи в учении» медальтасиб Хуршила школа та-манбариб ва келра медакадемиялизи бучес каберхур.

Хъясан 23 дус школализив узули сай. 1995-ибил дуслизиб музыкальное училище таманбарили музыкала учительли узес веххихъибсири, 2000-ибил дуслизиб ДГПУ-ла физкультура отделение хъараахъур. Лерилра дусмазив школала военруки узиб. Школализир дурадуркъути шадлихъла, хъулбукърила баркъудумачи ученикуни Хъясай жагали дяхъиби музыкалиб хъядурбиклар, далашибиклар, булхъан.

Сунела гъярула пархъя Махъяммадова Хъялиматлара Хъясанна талихъчеси хъалибарт леб. Маликат 10-ибил класслизир, Рукъият 7-ибил класслизир отлични бучули саби. Уршиби Ислам ва Иман биштатала хъязаназиб лебал.

Школала гъяму гъадикъахъес, къулайдикъахъес узахъес хъу района хъякимтанира гъевуцаби. Дахъал дусмазив школализив хайриличил, иштхъличил узес хъу аралы кала-би, сагадешунаглив умцуси Хуршила школала директор Гъядусаламов Хъясан.

**Махъяммад Къурбанов,
Хуршила ши.**

Прокуратура разъясняет

Уголовная
ответственность
за управление
автомобилем
в состоянии
опьянения

С 1 июля 2015 вступила в действие статья 264.1 Уголовного кодекс Российской Федерации «Нарушение правил дорожного движения лицом, подвергнутым административному наказанию».

Лицо, подвергнутое административному наказанию за управление автомобилем, трамваем либо другим механическим транспортным средством в состоянии опьянения или за невыполнение законного требования уполномоченного должностного лица о прохождении медицинского освидетельствования на состояние опьянения подлежит уголовной ответственности.

За наиболее общественно опасные административные правонарушения в области дорожного движения Кодексом Российской Федерации об административных правонарушениях предусмотрено такое административное наказание, как лишение права управления транспортными средства-ми.

Лицо, которому назначено данное наказание, должно в течение трех рабочих дней самостоятельно сдать водительское удостоверение в орган, исполняющий этот вид административного наказания. В случае уклонения лица, лишенного специального права, от сдачи водительского удостоверения срок лишения специального права прерывается. Течение прерванного срока лишения специального права продолжается со дня сдачи лицом либо изъятия у него водительского удостоверения, а равно получения органом, исполняющим этот вид административного наказания, заявления лица об утрате данного документа.

Течение срока административного наказания исчисляется не с момента вступления в силу постановления судьи о лишении права управления, а когда сдано или изъято водительское удостоверение либо подано заявление об утрате документов.

Для привлечения лица к уголовной ответственности необходимо -- наличие доказательства, что нарушитель при совершении повторного правонарушения находится в состоянии опьянения или отказывается от законного требования о прохождении медицинского освидетельствования, что возможно только при желании скрыть состояние опьянения.

Таким образом, ввиду того, что водитель совершает правонарушение умышленно, повторно, и в течение срока, когда лицо еще считается подвергнутым административному наказанию, данное правонарушение представляет собой деяние с повышенной общественной опасностью и признается уголовным преступлением.

Максимальное наказание за такое преступление -- лишение свободы на срок до двух лет с лишением права занимать определенные должности или заниматься определенной деятельностью на срок до трех лет.

**Заместитель прокурора района,
младший советник юстиции
А. Р. РАБАДАНОВ.**

или, нешла мезла хъурмат сегъуналра агарли бетахъахъили саби. Ил программа даргантас ахленну, лебилла Дагъистанна лугъатунала халкълиса къиянси биъни балули саби.

Шагъуртазиб хълери тури даргантаси чула биштати «израсти» или урус мезличи руркъули саби. Дила ахълерти юлдашуни, нуни биштатаси халаси хъянчи бариси саби учительли узухъели, гъур районола инспекторли калунхъели, тилади саби нушала даргала мезла хъурмат биреная, хъулиби баркъибачил дарган мезли гъайдикленай!

**Н. Махъяммадов,
Дугъахъарла ши.**

(Беҳбихууд 23 - 26-ибити номертазиб).

— Гъе, гъамадли хлебирар Герейханисра иличила хъумартес.

— Дудеш, илис нушала дигъяндешуни ашкарти сари.

— Урхмаклуд, ил нукер урхла ахлен. Ил ухнавадра нуни валуси ва ахтардивариби сай. Герейханни сай укуси къямлизи тухледирхъу... Хы ил вайулуврес узулри. Халал Гъялизиб мутруслуббатнира хлела хатла саби, хуни биалли, ил чархлебарни сабабли, набарси нукер дуглаилри, гур кавшес пикрибарили. Тамяхлкардеш! Се сари мутруслу, ханжулти, цархилти далилти? Халаси масъала ирзухле, дигъянхъаш секлайзивад урхкълес асуҳлебирар. Абулхъяни, хлела мутруслу бухили, уцумичи Гъярзли архъякъян, илини бархъанаси нушачи гъужум биру, Гъазагала талхъа къел-хлерзи дуахъес къасбиру. Хы биали Герейханна къайгънази викилри... Хлед илцад хледигули виадли, ил набчи аркис!

— Ил секлал барадлири, дила уркли паргъатли бири, хлурматла дудеш.

— Гъамадли бариша... Хъязлис хуни Герейхан хлед къаршили катури. Хуни ил вагъурил ахленри, гур пашманируд или гъанбиклу саби.

— Хлейрус, дудеш, набмати нукерти баари дилара лебти саби.

— Сепайда гъатли, хуни иргъули виадри: Герейхангъунти нукерти чаяхъинта бурхъу-

ти ахлен. Илди вегла мякълаб бихути саби. Веглес урехи хлебиахъес, вегла тахлис къараулбирахъес...

Дудеш сейкъулихъар, Сайдуханна Гъяукъули чейуси ца секлал сабри: бекл нукер илис душман ветъни, цархилван Герейхан илини чейули ахленри, я чеэс дигули ахленри.

— Балулрив, сен Герейханничи дила иғъдидар чумаси сабил?

— Аргъибси ахлен, дудеш.

— Бурисну, лехизи: талхъайс дагъес Гъягънити дахъал секлал лерти сари... Итхели ну хлела Гъямулизив сайри. Герейханра дила нукер ахленри, бара тлашибурси Шумралла Гъякан урши сайри. Гъатлира Гъячихъбаасли, итхели ил нуни валусира ахленри... Хъябал нукерра барх букили, ца бархли Ирхинзи вацализив Гъярличив калунра. Дамсур нушала урчира, дамсурра нушара, сегъуналра ав агарли чардулхъулри. Шумралла Гъялизи даира. «Ягъари, хлурматла талхъан, хы дебали вамирлири, Гъялизиб бамсрира ахъили, дугира беркъили, савли чардухъни сен чебида?» — хъарбикъули саби нукерти. «Духуси пикри талхъай вайтла чехъеби», — викъулра ну, Гъялизивси узденна хъули хъуракабибули.

Савли жявли, хъя веглес баркалла-ра багъахъури, азбарла дуар тлашли лерли, хапли зибкънадкайкъибси, амма чарх-бекллизив къуватчевеси мискин гулуухъа гъалаизур. Илини хапбарили дила михъирличи дис чебициб ва иб:

— Чарвара дила дудеш!

Гъанагарси анцбукъули лерилра уркъиара. Ил гулуухъази се буруси, илис набзибад се дигули, иргъули ахленри.

— Чи саю хлела дудеш? Сен нуни чарвируси? Чинавад? — ахирра хъарбиулра илизи.

— Дила дудеш Гъяммайла Гъали... Хлела рягъят хъубзара... Хуни узахъули вебкълахъири, чарвара! — виявкули сай ил, гъачамличи гъачам дила михъирличи дис Гъинибирули.

Нуни ил меҳурлизи гур се буруси, балули ахленри. Мякълаб хъябалра нукерра кайбизурлири, хъялта илда-зивад цалра халжал чияхлбирисира ахлемхъиб.

Ил гибъкъи зимила манзил хъя вегла

урши дурайкиб. Хъямикили набчи чаяхъин бариси гулуухъала някъ буциб, ласбарили някълизиси дис кабикахъиб, сайра дила къашмала гъала ванзаличи лайвакъиб. Чебухъи дила нукертани ил меҳур маҳъикан ахъуциб, къукъубачи катур, ханжултира чияхлдириб.

— Хы араираби, нушала талхъан, — дугъаизур хъя вегла урши, — камаршахъид ил пакъир. Хлела рягъят хъубзара Гъяммайла Гъалиса зягъипси урши сай. Гъякулизив сакъкъатси. Чили-сабил талхъан хлела душман сай или илала бамкъурси Гъякулизив баахъили саби. Илбагъандан... Чевверхи, дила талхъан, ил игъбарагарличивад, Гъямури керхайчи нуни хлед ил диргалахъелхъаис!

Ил сайри урехиагарси жагъил урши Герейхан. Нуни итхели аргъира, ил багъадурла мерра маҳъилизив ахленну, талхъа мякълаб биэс Гъягъини бильни. Гъу, илгъуна нукерличи ну сен-сен хледигес вирусира?

Сайдуханни дубхъехъиб: Гъазагала талхъа хулбазив Герейхан мурталра

Дахъал суалти хъяжатли хледибли аргъили, Перизатли дурхъя сунези сасиб, михъирличи Гинивариб. Вишласи Хъямзатра, глеркъаси гъунчив вансурли, хала нешла дуклав чиқкитун, бачини ахъдуциб, «ба-ба-ба» или, илини Перизатла лихъбачир сурдухъунти уркли-зизбурачи гъадатур.

— Ца хлерьагу, неш, хлела у ахъили, «ба-ба-ба» викъули? Нушаб гъачамлис «ада-абахъали» дурили ахлен.

— Къакъамарикъуд, дуру, иш дахъдагъ урши сай... Гъу, селичи хлерилира? Азбарлизир дуулрайв? Дашира хъули!

— Хъямзатра арукили, Перизат хъули рухънарухъун. Илис геларад — Издагайра.

Амирбегли эмхъерхууны урдатур. Уркурлизи ил вархили левли, Сапарбекхъала рягъят хъянчизар дакъуухъун.

— Хлурматла Амирбек, хы хули аци, ишди хъянчи дила сари, — иб илини, гъардуции эмхъерхууны азбарла ца шайчиси тленничи дигъес аркули.

Гъунчиги мурул-хъунул пикрибикъули калунтири, Издагайла беглтази хапли чула Гъямулизив дакъуухъунси

— Илини хы неш раришира?

— Рарилра: гъанадал ну нешра хы хала нешра дарилра нушала Хъямзатли.

— Гъяхъси биаб, Гъяхъси биаб...

Гергъила бархли Амирбекли Дербент къалализи укъес пикрибариб. Издагайла узи Хангъяхъмадра чеэс, шагъарла базарличирад дургъе-дургъели вачар-чакарла масра талабдарес. Чуни бариси вягъда хъясибли Амирбек махъилизи чарулхъусири, Издагай биалли уршира сарра беглтазир кавлусири...

Чус гъанра агарли, Сапарбеклиса Перизатлиса вишласи Хъямзатли халаси разидеш хили ветаур. Урши-рурси мерлабарила, илди цунбухъири, анцкъили дугурбазиб сабурцахъулри. Тлытила анхълизир хъянчи демжурхъели, маслигъят лебри, чебъябахъни бетарулри, гур абзур дус Сапарбекли гумайлаб, Перизатли унра-хунрачиб буркъулри.

— Гъаригу, дила рурси, дяхънуша Мирза жирипс, уршила хъяна саъби-убисигъуна ахлен, — викълар ца бархли Сапарбек.

Издагай урухриуб, гъалаксаур:

— Дудеш, чилра Гъягъини ахлен! Дяхъи хъяналичи шуркабухъи саби.

— Дяхънушани бареси бала, царил хлебиалра, дарман гъеббуру.

— Жан, дудеш, чилра жимайрид!

— Селизирад урухрикъулри? Хлела урши левни шантазибад дигъянбарили кавлан или гъанбиклуив?

— Кахълевлан... Хъямзат бахълизи чехъес дигули ахленра, дудеш. Илала дяхъи гъядатла ахлен, дяхънушани бусягъят бала. Гур суалти дехлдирхъу... Наб илди авара хлейгахъира.

— Дяхънуша Мирзала дахъал гъайхедирар.

— Чевверхи, дила дудеш, наб чилра живирили дигули ахленра.

— Хлейгули риадли, рурси, урхла адамли нушала юртлизи къашра кахъейцахъис! Паргъатри... Хъямзат дус виубиси урши сай. Илисра къашмачи кайзесра замана бали ахленара?

— Дудеш, цацбекл дурхъни кел дус биубхъелира къашмачи кахъебилзан, хъусли башар.

— Илисрагу хлези викъуси: Хъямзатлис кумек Гъягъини саби.

— Сегъуна кумек?

— Э-э-э, рурси, хуни хъумартурлири узира хлера севан дашес бурсидиубтирил. Уркура, хъяблуулан уркура гъанбикъулев?

— Марли, ил уркура гъаннара хъули калив?

— Кали саби. Чина биркуси? Нешли хушала никлакъелла хъялза ваяхъ гелахъулир хлеририли саби. Дигив илди чедаэс?

— Хы арали ват, дила дудеш, гъайхъай, дигахъира.

— Раши набчи!

Дудешра Издагайра, кийибил дерхъла бухъянси жаняхъра ахъили, ца тавханаличи гъамбиууб. Унзаличир халати мегъ сарри, Издагайлис къалли, тавханаличи ахълерацца, лерил Гъяимрү деркъибисиван билзулри. Тавхана умали ибгилри, аммаки гъар-урла ваяхъли гарчбарили бицилри: ризкъи калкъути ахъти кел уси, ранг дуунти сандугуни, бала садилтутли чирхлуми, делкунти къарчаби, хъякни, гъяндан варгъни, мячуйти, шунгри, тлыси, къаркъала талхъяна... Сапарбекли ца сандугла чебъхла ахъбуциб ва иларад гъаргъерили биштатала хъялза ваяхъ, урцузириад дарити гъяими, жаниварти, чабнала начби дурасиб. Илдас глергъи — бидбидуначи мешуси хъяблуулан уркурра.

(Хъарахъуд биарар).

Ибрагим ИБРАГИМОВ

Цализиб ва хилизиб

(романизирад бутлини)

игитли кавлан, илала хулбазив биалли — мурталра душмай...

* * * * *

Амирбекхъали бархъехъис Баршамайлизи бараб. Уркура азбарлизи хъуррабаримад, хъулирад Издагайла неш Перизат дурарухъун.

— Гъуя, дила Гъялизи! Хуша ляркънила нушаб хабар чинабри? — дуцли чесарайли, илини уркурличирад бара карациси ва урши дуклавси рурси къланрициб. Нешла ва рурсила дигъи-хлери ахъайчи мякълаб сабурличил гуяя тлаши калун. Ил секлал Перизатли къанниван пикрилизи касиб, Амирбекли гъядатлисиван хлера ризурли, салам бедиб. Ванати дугъабала варачан каберхурхъели, Перизат рурсила дуклавси виштасиличи хлериизур, гъалав агарси Издагайла дурхъя чейхъели, се ирүсил, се хъарбиусил вас-васрикъули, къайризур: «Давлагаб, дила Издагайла вецину шура дус агарси виштаси гъянна сен виубси? Чинавад варгъиси илини? Даг-архъели варкъили, нуни хлебагъахъурли дус хлерили, набчи Гъяхълад раклили ахлен къалли? Субхъянааллагъ, дила пикруми дархили сари...»

— Ил чила саю, абас рат?

— Дила, нушала, — пишрхъиб Издагай.

— Масхурти дати, хлела дурхъя агни хлебагъесцад гъачамлис ну рухънакараили ахленра, я Гъякъули бамкъурули ахлен.

— Къакъамарикъуд, неш, дила сай... Нушала Хъямзат сай, Амирбекла Хъямзат сай!

Амирбекли аргъиб сай гъудурухъес замана бали бинъиличила, ца шайчив лехли калес асуҳлебирниличила.

— Перизат-азай, нушала уршиличила хабурти дурес бажардидирхъе... Сапарбек-азай чейули ахленрагу?

— Ляркъян, чархъес замана бали. Тлытила анхъ чехъебали, илис дугила гъанкъ хъялян.

— Тлытила сабухъкъун жявил бучилра?

— Бац! анхълизиб се бирли?

— Илис дарести-чедаэсти бац! анхълизири камхъедирар.

Издагайли авцахъес урши нешлизи ведиб.

— Укъен, Хъямзат, хала абачи, хледра тянишиэс замана бали саби.

Хъямзатлишила се буралли Гъяхъис. Селра хлебурили Гъянцдихъесра бетх

Адамти къабулбариб

Июньна 30-йичиб Дагъистан республикала халкъла художестволати ваях дирнила шали гъалабях башаҳнила управлениела начальник Мурад Ихласовли Даҳадаевла районизб адамти къабулбариб.

Ил бархли, акыси бархли биъниличири хлерхеели, 10 адам бакиб приемличи. Илдани ахъдуциби масъултазирадли сарри: гъундури къулайдирни, шимазир лайкити шуртъри алклахни, хъянчиличи кабалтни ва цархилти.

Кубачивадси Дауд Клычловли Уркарахъибади Кубачи башуси гъуни къирли буцахъес хъяжатли биъниличила бурури.

«Ишбархилиис район гъалабях башаҳнилис туризмала халаси къадри леб. Амма гъундури къулайси агиличири хъедиънили и шайчиби масъала хъярхирахъули саби. Ил масъала чумал дус челукъусили бетаурили саби», -- буриб Дауд Клычловли.

Районнлизб хутъла линия барсбараес хъяжатли биъниличила багъахъур Кышала шлизивадси Гъялмад Ибрағимовли. Илини бурни хъясибли, районнлизири хутъла линиялис хасдарибити түлри дукъуди сари, линия шимшали буцили саби, 1960-ибыт дусмачирадли илди дарсхедарили лерал. Ва, илкъядали веңзани дусмазир илдачирли, районна адамтала челукъути имцадикъули сари.

Меусишарадси Жумягл Мяхъяммадова дугъаризур КФХ-лис ижаралис пайдалабараҳъес багъандан мицирағ Гъайдиклахъути мер-мусаличидан деқларбараҳъес багъандан.

Уркухъла шила бекл Гъяблулгъязиз Юсуповли тиладибариб райцентрлизиб канализация кабихъяъес ва сагаси водопровод бирнила хъянчи ахирлини дикахъес багъандан республикала бюджетлизирадли арц деқлардараҳъес.

Зиленбеклибади Патимат Къужаева ва Рамазан Хаттаев дугъабизур чула шилизиб сагаси школа ва дурхъинала анхъ дараҳъес кумекбараҳъес. «Ишбархилиис Зиленбеклила школализиб бучули саби 100 ученик. 2018-ибыл дуслизиб ҷашиб классизи аркъян 24 дурхъя, 2019-ибыл дуслизиб биалии -- 31. Илдигъунти баянта ни чебиахъули саби нушала шилизиб адамти имцабикъи ва чилра дурала

мер-мусаличи арвашули хъейъни», -- риклар Патимат Къужаева.

Уркухъла историяла-краеведунала музейла директор Исматуллагъ Раза-



къов музейла документуни гъунчидушаҳъес кумекбараҳъес дугъайзур.

Илкъядали районна адамти хъянчиличи кабалтнила, шимазир букахъес хъяжатли биъниличила масъулти ахъдуригули, дугъабизур. Мурад Ихласовли буриб адамтала дугъабизуни пикрилиси кахъесли хъедалтниличила. Илдала дугъабизунала хъекълизири хъумурти къабулдараҳъес багъандан илди Гъягъинтигъунти министерствобази ва ведомствобази дурхъути сари.

Нушала корр.

Иши бурхназиб Даҳадаевла районна Шаласила шилизи Гъямарла Батирала уличиси даргала музыкала-драмала театр гъяллади бякъун. Илала Гъяртистунани «Хъейгухъира тухтурли узуси» ибси спектакль че-



баахъиб шаласилантас. Ил спектакль Дағыстан Республикала культурала

Спектакль чебаахъиб

Министерства «Мастера сцены – жителям Дагестана» уличиси проектла дазурбазиб гъалабихъиби саби.

Спектакль XVII ибыл даршудлихълизив хъериубси Францияла комедиограф Жан-Батист Мольерла пьеса хъясибли кабихъили, дарган мезличи шурбатурси саби.

Спектакльла беклебиубисигъуна мягъина гъаргъибури, саби-ургаб балхъебикиби мурул Сканарельла ва хъунул Мартинала ролани чедаахъили сари. Медициналлизиб серла хъебалуси Сканарель гъямултавиши ва макруличиши тухтурла гъердирес бажардиирикули сай. Сунела санигъят бузаҳъес багъандан илис

Латинна мез дагъес хъяжатбикисири. Илди дагъра дагъур. Илкъядали пагъумчевси тухтурла роль бузаҳъули илини. Илини гъимруклибси хъунуй илтап илкъядали чеяхъусири. Селичилалра шакхъебиркути зягъиптани илис Гъялси багъара бедлугусири.

Францияла пъесализир итхелла манзилла Гъяму палтуртала ва баркъбацала кумекличили чедаахъес имканра бакиб Гъяртистунас. Илгъуна пикри буриб ҷа зрителлира: «Наб комедия дебали Гъялбизур: Гъяму жагали чедаахъили сари илар, актертани чула ролани ункъли дузаҳъули сари, режиссертири белгиси хъянчи барилли биъни чебаэсли саби. Баркалла илдас илгъуна хъянчи барнилис. Комедия адам развиахъес, дукарклахъес ва урки шадбиахъес саби чебиахъуси. Гъайгъай, илгъуна мурад бартаахъес Гъяртистунира ункъли бажардииби.»

Шилкъан

Нушала дубурла мер-мусаличири деъвали Гъягъинтигъути секултазибад би-русири шилкъан. Хъумуратла замана дубурла мер-мусаличири делгъутири хъуми. Совет хъумурат кабизес гъалаб шилкъанти вегл-вегла дирутири. Гъаршила халкълаван дугъхъанталара шел шилкъан къадалар дузули дери (Мусапирла, Чакъала, Бяхъимудла, Хъусайла, Сумияла) гъанна илди сегъунтил ва секъяйда дузутил балусира агара, Гъяртула халати адамтани ахенси.

Гъалар нушаб декъ, ярма дихули

дири Шамхалла декъ дукъуси комбинатлизирад, гъанна илди дихули сари Ставропольлизирадли.

Нушала шилизи башуси гъунчиби гумила мякълаб бирусири «Хъусайла» или ируси шилкъан. Колхозуни дирухъелира бузаҳъули бири ил. Хъябал колхозлизибад совхоз барихъели, ил шилкъан агарбарибсири ва лерил илала ваяхъурхати ва цархъилти секлайчил бархли. Гъур, Хъишамахъилизивадси Гъялмад бикъуси Гъяммузган мегъла устас хутла шилкъан барахъес дедибири. Ил

векъили Гъергъи, шинкъан бузули ахен. Дугъахъарла шилизиб ахенси, цархъилти сирхъяла шимазир шилкъан цалра агара. Урзачиб хутъличиб бузуси гъанна дакъубарии саби. Дила шанти, дила даргани хъябра жагали бииши дузаҳъули диаллири шимазир хъуми, мурби, адилкули хъялан-къача, мазала-мас, сагадарии шилкъанти хъеркабирили биалири. Илхели хъебики хъушаб къянала давлачебатала я лугъри, я бомжани. Мадиаб дунъяличир муртклан дявти, раҳли илгъуна байлли, дила даргани, бегл гъалар дубуртази ляркъян гаши.

Н. МЯХЪЯММАДОВ.

Дурхъинани бамсрииҳъу

(1-ибыл бяхълизисиа хъараҳъуд).

Гур муниципалитетла руководительни школала гъямуличи ахеба-ибтани бамсрииҳъиличила ва илдала арадеш мяхъкамбирнила мурадличил дурадуркъути баркъудлумала сияхъи цалабяҳниличила хъарбай.

«Бегл гъалабси яргализиб гъарил лагерь хасбариби саби дурхъинала арадеш мяхъкамбирнилис. Арадеш мяхъкамбирнила далдузуну тухтуртала кумеклицилцу ахен дурадуркъути, ил баркъудилизи битликъути саби социальный педагог ва психолог. Илданни дурхъинала излумала дураадли, сегъунти челукъути лерал белгири ва хъяжатси кумек гъебиахъу. Чула лерилла бетууци пайдаладирили илдани дурхъини саби-сабил пикрибиклахъес, гъалабяхъи башахъес ва илдала бухъязегъя ункъдиахъес кумекбиру», -- или буриб Жаруллагъ Гъямаровли.

Балбуцла ахирличибра муниципалитетла беклли ахъбуциби масъалала шайчиби хъянчи ункъбараҳъес хъарбариб. Гур ишкъядиа буриб: «Дүцүрмла замана бамсрииҳъили дурхъини саби-сабил бузаҳъес бурсибиру, гъабкъябигъунти декларбараҳъес, дурхъинала бархбасуни чүмадиахъес кумекбиру. Гъарил дурхъялис имканти алкъан ункъли бамсрииҳъес ва каникулата замана сунела зилантачил бархбас чүмабиахъес».

Информирует прокуратура

В текущем году Генеральная прокуратура Российской Федерации выступает организатором Международного молодежного конкурса социальной рекламы антикоррупционной направленности на тему «Вместе против коррупции!».

Соорганизаторами этого конкурса являются компетентные органы государств, подписавших Соглашение об образовании Межгосударственного совета по противодействию коррупции от 25 октября 2013 г. (Армения, Беларусь, Казахстан, Кыргызстан и Таджикистан).

Прием работ будет осуществляться со 2 июля по 19 октября 2018 г. на официальном сайте конкурса <http://anticorruption.life> по двум номинациям -- социальный плакат и социальный видеоролик.

Правила проведения конкурса и пресс-релиз доступны на официальном сайте Генеральной прокуратуры Российской Федерации в сети «Интернет» [www.genproc.gov.ru/anticor/konkurs-vmeste-protiv-korrupci".](http://www.genproc.gov.ru/anticor/konkurs-vmeste-protiv-korrupci)

Торжественная церемония награждения победителей конкурса будет приурочена к Международному дню борьбы с коррупцией (9 декабря).

Прокурор Даҳадаевского района, советник юстиции
П. Х. АБАКАРОВ.

Шила Гъяму

УЧРЕДИТЕЛЬ: «Даҳадаевла район» МО-ла администрация

inf.отдел1@mail.ru

1931 ибыл дуслигъиб дурабулхъуси саби.

Тираж -- 1400 экз.

Газета 2009 ибыл дусла декабрьла 28-пичиб массовая коммуникациябапа, бархбаспа ва культурапаси букъур мяхъкамбирнила шайчиб хлеру бузаҳъуси Федеральная службапа ДР-пизиси Управлениепизиси беклунси саби. Беклна номер - ПИ № ТУ 5-0047.

Газета дурабулхъуси саби жумягл бархли. Дусли 52-на дурабулхъсан. Индекс -- 63314. Печатылиси къулбасбарес кабизахъурси замана -- 16.00. Печатылиси къулбасбари саби замана -- 16.00.

Редакциялизи дархъибти белкъанас рецензия лукъуси ахен, я илди чула беглтаки чардирити ахен.

Газетализи кадирхъути материалтала автортала пикрумачил редакцияла пикри цугълебикесра асувирад.

Автортани чула материалтала хъекъедешлис ва бархъедешлис жаваб лугуси саби.

Редакцияла ва издательла адрес: Даҳадаевла район, Уркухъла ши, тел. 2-10-27.

ДР-ла миллатаси политикала, информацияла ва дуралати бархбасунала шайчибси министерства газетабала-журналтала типографиялизис кабихъи саби.

Адрес: 367018, Мяхъякъала шағъар, Насрутдиновла уличиси къакъя, 61.